

PELAJAR TAHUN ASAS PENGURUSAN GEMBIRA DIRAI UNISEL



Prof Madya Dr Setyawan sedang berucap di majlis berkenaan.



Antara para hadirin di majlis berkenaan.

Gala Graduation Night 2014 anjuran pelajar Tahun Asas Pengurusan cipta keunikan tersendiri dengan tema tradisional menjadi pilihan.

Majlis yang berlangsung pada 10 Disember 2014, bertempat di Zam Zam Grand Ballroom, Shah Alam dihadiri lebih daripada 200 orang jemputan termasuk pelajar serta tenaga pengajar.

Majlis merupakan salah satu landasan utama kepada semua pelajar untuk mengambil bahagian dalam merangka dan menghasilkan program.

Antara tetamu jemputan khas yang hadir memeriehkan Gala Graduation Night 2014 ialah Dekan Pusat Pengajian Asas dan Umum, Prof Madya Dr Setyawan Widyarto, Ketua Program Tahun Asas Pengurusan, Mohammad Ikram Muzammil Idrus, Pengarah Pemasaran dan Kemasukan, Yuslina Yusoff, Ketua Komunikasi Korporat, Hasril Abu Hassan, serta pensyarah-pensyarah Tahun Asas Pengurusan.

Prof Madya Dr Setyawan melahirkan perasaan terharu dengan komitmen penganjuran majlis oleh semua pelajar.

Beliau turut berharap agar majlis tersebut bakal menjadi landasan terbaik untuk mengeratkan silat-urahim sesama pelajar termasuk tenaga pengajar di universiti.

"Saya kagum dengan tema yang diutarakan oleh pihak penganjur dalam majlis ini, ia menunjukkan kita sebagai manusia tidak boleh menukar tradisi kita kerana ia amat penting dan ia juga melambangkan asal usul kita," katanya.

Penganjuran majlis ini adalah bagi membolehkan kesemua pelajar merasa dihargai terutama dalam tempoh mengharungi segala rintangan yang di hadapi oleh mereka dalam masa setahun tempoh pengajian di peringkat tahun asas.

Ini penting kerana ianya boleh dijadikan sebagai pembakar semangat buat pelajar ini apabila menyambung pengajian mereka di peringkat Ijazah Sarjana Muda kelak.

Mohammad Ikram berkata, majlis ini diadakan bagi meraikan pelajar berjaya menamatkan pengajian tahun asas serta juga merapatkan silaturahmi antara pelajar Tahun Asas Pengurusan.

Tambah beliau lagi, program yang julung kali ini diadakan ini juga memberikan penghargaan kepada pelajar Tahun Asas Pengurusan memandangkan kursus ini tidak mempunyai acara konvokesyen setelah tamat pengajian mereka.

Bahkan, pada malam tersebut juga pelajar telah diberi pengiktirafan menerusi tiga kategori penganugerahan iaitu Anugerah Graduasi, Anugerah Pelajar Cemerlang serta Anugerah Gala.

Seramai 44 orang pemenang bagi keseluruhan kategori berjaya dinobatkan dengan salah satu anugerah turut dimenangi oleh tenaga pengajar sendiri menerusi Anugerah Gala (kategori) Pensyarah Pilihan iaitu Norazlina Hanim Shamsudin.

Syahira Shamira Dilbar Shah, 20, bersyukur kerana berjaya merangkul Anugerah Pelajar Cemerlang di mana penat lelah, cabaran dan kesukaran ketika belajar selama ini diiktiraf universiti.

Beliau berharap anugerah itu dapat dijadikan pemangkin pembakar semangat kepada kejayaannya pada masa akan datang.

KEJAYAAN PELAJAR UNISEL DIBERI PENGIKTIRAFAN SETIMPAL



Muhammad Azizul (kiri) menerima replika cek dari Nik Nazmi sambil disaksikan Prof Dr Anuar.

Muhammad Azizul Abd Aziz (Johan) dan Muhammad Syukri Mamat (Naib Johan) dalam pertandingan 'Minggu Pembinaan Antarabangsa' di Pusat Dagangan Dunia Putra menerima cek berjumlah RM1500 dan RM1000.

Kedua-duanya merupakan pelajar Fakulti Kejuruteraan UNISEL daripada kursus Ijazah Sarjana Muda Kejuruteraan Awam.

Cek tersebut disampaikan oleh Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad.

Turut hadir semasa majlis penyampaian berlangsung di Dewan Undangan Negeri Selangor, SUK ialah Presiden yang juga merupakan Naib Canselor UNISEL, Prof Dr Anuar Ahmad.

2,691 GRADUAN TERIMA IJAZAH DAN DIPLOMA TERMASUK IJAZAH ANUMERTA DOKTOR KEHORMAT, ZAINON AHMAD

Seramai 2,691 graduan diraikan dalam Istiadat Konvokesyen Ke-9 UNISEL. Istiadat konvokesyen yang penuh gilang-gemilang ini dijalankan dalam lima sidang dan disempurnakan oleh Canselor UNISEL, YAD Raja Tan Sri Dato' Seri Arshad Raja Tun Uda pada sidang pertama.

Turut hadir dalam istiadat konvokesyen sidang pertama ialah Menteri Besar Selangor, selaku Pengerusi Lembaga Pengarah Pendidikan Industri YS Sdn Bhd/UNISEL, Mohamed Azmin Ali, Pro-Canselor UNISEL, Dato' Setia Dr Anuar Masduki, Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad, Ahli Lembaga Pengarah UNISEL, ibu bapa dan jemputan kenamaan lain.

Daripada jumlah tersebut seramai 19 orang menerima Ijazah Doktor Falsafah (PhD), 27 menerima Ijazah Sarjana (Master), 1,146 menerima Ijazah Sarjana Muda (Bachelor) dan 1,499 menerima Diploma.

Penerima bagi Ijazah Anumerta Doktor Kehormat dianugerahkan kepada Allahyarham Zainon Ahmad yang merupakan wartawan veteran disegani di negara ini. Pemilihan beliau yang dikenali sebagai Pak Non dibuat berdasarkan sumbangan dalam dunia kewartawanan melalui pengalamannya. Beliau ternyata dihormati oleh pengamal media. Beliau meninggal dunia pada Mac 2013. Anaknyanya, Zalinda Zainon mewakilinya bagi menerima anugerah ini.

Anugerah yang dimaksudkan ialah:

Anugerah Canselor 2014 diterima oleh Muhammad Faiz Mat Zauki yang mengikuti Program Ijazah Sarjana Muda (Kepujian) Seni Reka Grafik Digital Sains Komputer Beliau akan menerima RM5,000, trofi pusingan dan sijil tajaan PKNS

Anugerah Pengerusi 2014 dirangkul oleh Mohd Waqiyuddin Abdullah penerima Ijazah Sarjana Muda (Kepujian) Psikologi Industri. Bakal menerima



Azmin sedang menyampaikan ucapannya.



Penerima Anugerah Canselor 2014, Muhammad Faiz Mat Zauki.

RM3,000.

Anugerah Naib Canselor 2014 diterima oleh Yasmin Abdul Manan yang dianugerahkan Ijazah Sarjana Muda (Kepujian) Kewartawanan. Bakal menerima RM2,500

Anugerah Exco Pendidikan, Pembangunan Modal Insan, Sains, Teknologi dan Inovasi bakal diterima Amir Safuan Badeli, dianugerahkan Diploma Pengurusan Industri Sukan. Selain itu, turut menerima hadiah wang tunai RM2,500.

Setiap kategori anugerah diberikan adalah bukti keprihatinan universiti dalam menghargai kesungguhan serta kegigihan para graduan selama ini.